



GODIŠNJI IZVJEŠTAJ
SEPTEMBAR 2016 - SEPTEMBAR 2017

SADRŽAJ

1. HUMANITY IN ACTION SUMMER FELLOWSHIP	3
1.1 Drugi Sarajevo Summer Fellowship	3
1.2 Humanity in Action Nizozemska	3
1.3 Humanity in Action Danska	4
1.4 HIA John Lewis Summer Fellowship u Atlanti	5
1.5 Humanity in Action Summer Fellowship u Detroitu.....	6
1.6 Pat Cox-Humanity in Action Fellowship u Briselu.....	7
2. POTICANJE DEMOKRATSKIH VRIJEDNOSTI I AKTIVNOG GRAĐANSTVA MEĐU MLADIMA (PDVIAGMM).....	8
2.1 Prvi modul programa (3. - 11. decembar 2017. godine).....	8
2.2 Drugi modul programa: individualno istraživanje	11
2.3 Treći modul programa: trening iz projektnog i finansijskog menadžmenta	11
2.4 Četvrti modul programa: implementacija grupnih projekata	12
2.5 Peti modul programa: medijska promocija.....	12
3. MODEL INTERNATIONAL CRIMINAL COURT FOR WESTERN BALKANS - MICC WeB...	13
4. SARADNJA SA PRAVNIM FAKULTETOM U SARAJEVU	13
5. OSTALE AKTIVNOSTI I NOVOSTI	14
Saradnja sa Transparency International BIH	14

1. HUMANITY IN ACTION SUMMER FELLOWSHIP

1.1 Drugi Sarajevo Summer Fellowship

Ove godine održan je drugi HIA ljetni program u Sarajevu, koji je trajao od 26. maja do 20. juna 2017. godine. Pored jednog interna iz Poljske, ugostili smo 15 fellowsa - 4 učesnika_ica iz Bosne i Hercegovine, 6 učesnika_ica iz SAD, 2 učesnika_ice iz Nizozemske, te po jednog učesnika_icu iz Poljske, Njemačke i Danske. Pored Fonda otvoreno društvo (FOD), NED SAD, Ambasade Republike Poljske u Bosni i Hercegovini, Atlantic grupe i drugih privatnih donatora, implementaciju je drugu godinu zaredom podržao i Ekonomski fakultet Univerziteta u Sarajevu koji nam je ustupio prostorije E-Net centra na korištenje tokom trajanja cijelog Fellowshipa. Program je bio podijeljen u četiri tematske cjeline: tranzicijska pravda, socio-ekonomske transformacije, identiteti u postkonfliktnom društvu, te završna sedmica posvećena razvoju akcionih planova (Action Projects) ovogodišnjih učesnika_ca. Uz predavanja i interaktivne diskusije na EFSA, program je obuhvatio i niz studijskih posjeta relevantnim insitucijama i lokacijama u glavnom gradu BiH, te u Mostaru, Prijedoru, Srebrenici, Zenici i Banjoj Luci. Na kraju programa učesnici su prezentovali svoje dojmove o programu, kroz kratke videe, prezentacije i eseje. Po završetku programa, svi polaznici su prisustvovali Osmoj međunarodnoj Humanity in Action konferenciji u Berlinu, koja je na kraju juna okupila učesnike sa svih europskih HIA programa.

1.2 Humanity in Action Nizozemska

Darija Sesar iz Mostara i Damir Kurtagić iz Sarajeva učestvovali su na HIA Summer Fellowship Programu u Amsterdamu. Zajedno sa mladim ljudima iz SAD-a, Grčke i Nizozemske istraživali su i učili o historijskim i savremenim problemima zaštite ljudskih prava, uvažavanju različitosti u demokratskim društvima, položaju različitih manjinskih skupina, političkom i društvenom pluralizmu, te građanskom aktivizmu u Nizozemskoj. Fokus ovogodišnjeg programa je prvenstveno bio usmjeren na teme poput diskriminacije, rasizma, holokausta, genocida, europskog

imperijalizma i kolonijalizma, populizma i krize demokratije u 21. stoljeću, islamofobije, izbjeglica i migracija. Učesnici su imali mogućnost biti dijelom brojnih predavanja, radionica, te diskusija sa predstavnicima vladinih i nevladinih institucija, organizacija civilnog društva, umjetnicima, naučnicima i aktivistima; a posebno su ih se dojmili susreti s pojedincima koji su svjedočili o ličnim iskustvima povezanim s određenim historijskim događajima, kao što su osobe koje su preživjele strahote Drugog svjetskog rata i holokaust. Prvi vikend proveden u malom selu Gouda nedaleko od Amsterdama bio je posvećen upoznavanju učesnika i izgradnji grupne dinamike. Fellowsi su jedan dan programa proveli i u Rotterdamu, gdje su se susreli sa predstavnicima više nevladinih organizacija. Posljednjih desetak dana u Amsterdamu, učesnici su proveli radeći u manjim grupama i na posebnim tematskim cjelinama: Act, Show, Write i Theater. Ovaj dio programa je osigurao prostor učesnicima_ama da izraze sebe i na vrlo kreativan način prikažu razne individualne priče, te kroz njih pokažu složenost materije ljudskih prava.

1.3 Humanity in Action Danska

Ovogodišnje bh. učesnice na Fellowshipu u Danskoj su bile Anesa Opijač iz Sarajeva i Antonela Ramljak iz Tuzle. Zajedno sa ostalim učesnicima iz SAD-a, Njemačke, Grčke i Danske aktivno su diskutovale i učile o rješavanju problema inkluzije s kojima se susreću današnja društva, sa fokusom na stanje manjina u Danskoj.

Anesa i Antonela imale su priliku da budu dio prvog dijela trogodišnjeg programa pod nazivom „Put ka inkluzivnom društvu?“ koji je ove godine imao historijski osvrt, dok će se naredne dvije godine više govoriti o kulturološkoj i političkoj perspektivi. Pored izvrsnih stručnjaka, profesora i naučnika iz oblasti ljudskih prava, politike, historije i diplomatije, organizatori su u program uključili i umjetničku komponentu, kroz koju su učesnicima pokušali približiti i objasniti goruće probleme sa kojima se Danska suočava. Najviše se razgovaralo o posljedicama Drugog svjetskog rata, pravima manjina, dekolonizaciji, postkolonijalizmu, te ljudskim pravima. Rad u grupi od 23 fellowsa različitih pozadina koji su znanje sticali na različitim univerzitetima bio je jako zahtijevan. Pored akademskog i stručnog sadržaja koje je program pružao, učesnici su stvorili i

jedinstven prostor za razmjenu znanja i učenje o današnjim društvima kroz dijeljenje ličnog iskustva i grupni rad na mini-projektima. Osim predavanja u Kopenhagenu, Fellowsi su imali priliku da posjete Lund univerzitet u Švedskoj, najpopularnije dnevne novine u Danskoj Politiken, izbjeglički centar Trampoline House, te izložbu umjetnice La Vaugn Belle o kolonijalnoj prošlosti Danske.

1.4 HIA John Lewis Summer Fellowship u Atlanti

Ehlimana Memišević iz Višegrada, te Sabiha Kapetanović i Alma Mujanović iz Sarajeva, bile su ovogodišnje učesnice Humanity in Action John Lewis Fellowshipa u Atlanti. Na programu je učestvovalo 30 mladih ljudi iz različitih dijelova Sjedinjenih Američkih Država i sedam evropskih zemalja: Bosne i Hercegovine, Danske, Francuske, Njemačke, Grčke, Holandije i Poljske. Fokus programa je bio usmjeren na proučavanje historije pokreta za građanska prava u Sjedinjenim Američkim Državama, te pitanja vezanih za nacionalni identitet, imigraciju, prava manjina, i druge brojne izazove s kojima se suočavaju manjine i druge osjetljive kategorije stanovništva. Učesnici_e su posvetili_e mnogo pažnje proučavanju ovih fenomena u kontekstu restorativne pravde i mehanizama njenog uspostavljanja, prevashodno u kontekstu Atlante, ali i u komparativnoj perspektivi. Kroz program se mnogo govorilo o rasnim podjelama u SAD, a pogotovo pravima Afroamerikanaca, te problemima ranije segregacije i diskriminacije u svim javnim sferama u Atlanti. Program je bio interaktivne prirode, a Fellowsi su imali priliku da se upoznaju sa nekim od najuticajnijih aktivista, profesora i advokata, koji su promijenili situaciju i položaj rasnih manjina u Americi.

Učesnici_e su imali_e priliku susresti se i sa kongresmenom John Lewisom, Dr. Roslyn Pope, autoricom Apela za ljudska prava iz 1960. godine, Lonnie Kingom, Charles Blackom i drugim preživjeli organizatorima i učesnicima studentskog pokreta iz 1960-ih godina, kao što su Dr. Carole Anderson sa Emory Univerziteta u Atlanti, Dr. Natsu Saito sa Pravnog fakulteta Univerziteta Georgia State, prvom ženom gradonačelnicom Atlante Shirley Franklin, te advokatima, arhitektima, inženjerima direktno uključenim u savremene izazove ljudskih i građanskih prava. Dr. Pope, koja je 1960. godine zajedno sa svojim kolegama napisala Apel za ljudska prava, motivirala je HIA fellowse da se bore protiv negativnih stvari kojima su

okruženi. Jedan od glavnih zadataka za sve učesnike bio je dati odgovor na njen Apel. Također, zajedno su pisali primjer novog Apela, koji bi obuhvatio današnje probleme sa kojima se suočava savremena generacija.

Programom je bilo predviđeno i to da svaki_a učesnik_ca programa ispriča svoju individualnu priču i svoje ciljeve za koje se bori. Alma, Ehlimana i Sabiha su pričale o etničko-geografskoj podjeli u BiH, problemima inkluzije, sistemu «dvije škole od jednim krovom», kao i o genocidu u Srebrenici. Svojim prezentacijama su probudile svijest drugih i dale do znanja da se BiH još uvijek suočava sa mnogim oblicima diskriminacije i kršenja ljudskih prava. Također, u znak solidarnosti za žrtve genocida u Srebrenici, svi učesnici John Lewis programa su odali počast svim nastradalim minutom šutnje, te su zajedno objavili tekst uz fotografiju na oficijelnoj HIA web stranici. Program je uključivao i posjete muzejima i umjetničkim galerijama, kao što su Muzej Martina Luther Kinga, Nacionalni centar za građanska i ljudska prava, posebno značajnog za očuvanje i promoviranje građanskog identiteta Atlante, Historijski muzej u Atlanti, umjetnička galerija Univerziteta Clark Atlanta, Ebenezer Baptist crkva, uz prethodno izučavanje uloge crkve i svećenstva u pokretu za građanska prava i dr.

1.5 Humanity in Action Summer Fellowship u Detroitu

Azra Dizdar iz Stoca, zajedno sa studentima iz Grčke, Holandije, Njemačke, Danske, Poljske i SAD-a, bila jedan_na od 22 učesnika_ce inauguralnog HIA Summer Fellowship programa u Detroitu, SAD. Sam program se održavao na 50. godišnjicu pobune iz 1967. godine koja je imala ogroman uticaj na kasnije događaje u Detroitu. Najveći broj predavanja se održavao u Detroit Institute of Arts (DIA), te na Univerzitetu Michigan. Dio predavanja održan je u Charles H. Wright muzeju i Arab-American muzeju. Ove dvije institucije, zajedno sa DIA, su za učesnike bile modeli institucija koji danas igraju ključnu ulogu u oblikovanju kritičke misli o događajima iz 1967. godine. U Charles H. Wright muzeju, Fellowsi su imali priliku vidjeti postavku "And Still We Rise: Our Journey Through African-American History and Culture". Muzej je osnovan na inicijativu Dr. Wrighta, koji je inspiraciju dobio nakon što je vidio spomenik danskim ratnim herojima iz Drugog svjetskog rata, te

je danas jedan od najvećih muzeja afroameričke historije u SAD-u. Posjeta ovom muzeju je bila ključna za razumijevanje procesa suzbijanja rasne diskriminacije, robovlasništva i svemu onome šta danas čini rasizam. Fellowsi su imali priliku čuti predavanja eminentnih stručnjaka, kustosa i edukatora kao što su LaNesha DeBardelaben i Charles Ferrell.

Mjesto kojem su se Fellowsi uvijek rado vraćali bio je Diego Rivera Industrial mural. Staff je organizovao i posjetu Islamskom centru u Detroitu, gdje su Fellowsi razgovarali sa lokalnim imamom. Tokom programa, Fellowsi su se susreli i sa mladim političarima Detroita, te kandidatom za buduće izbore za guvernera države Michigan, Abdulom El-Sayedom. Njihovi programi, vizije i rješenja postojećih problema u Detroitu su bili veliki podstrek Fellowsima koji su zainteresovani za politički angažman da se aktivno uključe u svojim zajednicama.

Većina predavača je dijelila stavove sa Fellowsima, stoga je posebno interesantno bilo čuti predavanje g. Petera Cummingsa, koji je govorio o svojim aktivnostima u procesu revitalizacije Detroita. Nakon što je izložio svoje programe, Fellowsi su izrazili svoje neslaganje sa većinom njih jer nisu usmjerene prema građanima Detroita koji su pogođeni gentrifikacijom, siromaštvom i sličnim problemima, nego upravo na onaj dio stanovništva koji ili već ima novac ili ljude koji dolaze iz drugih gradova sa kapitalom, te za male novce kupuju imovinu koja je oduzeta građanima Detroita koji su bili direktno pogođeni krahom samog grada i povlačenjem automobilske industrije iz centra u predgrađa. Fellowsi su posjetili i premijeru filma Kathryn Bigelow o Detroitu, koji se bazirao na događajima poznatim kao Algier Motel Incident.

1.6 Pat Cox-Humanity in Action Fellowship u Briselu

U januaru 2017. godine, započeo je tromjesečni program stažiranja u Evropskom parlamentu, na kojem je učestvovao i jedan član naše mreže, Alen Kerić iz Konjica, koji je 2016. godine učestvovao na Humanity in Action Diplomacy and Diversity Fellowship programu. Svečana ceremonija povodom završetka ovogodišnjeg Pat

Cox-Humanity in Action Fellowshipa održana je 25. aprila 2017. godine, a događaju su prisustvovali uvaženi gosti iz Europskog parlamenta, te predstavnici nevladinih organizacija koje saraduju sa Humanity in Action na implementaciji ovog Fellowshipa.

2. POTICANJE DEMOKRATSKIH VRIJEDNOSTI I AKTIVNOG GRAĐANSTVA MEĐU MLADIMA (PDVIAGMM)

U oktobru 2016. godine je započeo peti ciklus implementacije projekta „Poticanje demokratskih vrijednosti i aktivnog građanstva među mladima“, uz finansijsku podršku National Endowment for Democracy (NED). Pred početak programa, dovršeno je pisanje studije o dosadašnjim polaznicima_ama, te su pripremljeni pisani i video izvještaji za NED. Angažovali smo tim mladih studenata sa Akademije scenskih umjetnosti u Sarajevu, koji su kreirali promotivni video za projekat. Primarni fokus je bio na promociji programa za nove učesnike. 28. oktobra održana je promocija studije o prethodne četiri godine programa, te promo videa. Presentacija je održana prostorijama Networksa, a prisustvovali su i članovi UO HIA BiH, Prof. Lamija Tanović, Gen. Jovan Divjak, te gđa. Dajana Džindo. I ove godine na programu je učestvovalo 15 studenata_tica sa raznih fakulteta iz svih dijelova Bosne i Hercegovine.

2.1 Prvi modul programa (3. – 11. decembar 2017. godine)

Prvi modul programa implementiran je u periodu od 3. do 11. decembra 2016. godine, u E-net centru na Ekonomskom fakultetu Univerziteta u Sarajevu, koji je petu godinu zaredom podržao implementaciju programa ustupanjem svojih prostorija. Tokom devetodnevnog programa, učesnici programa su imali priliku razgovarati sa univerzitetskim profesorima, aktivistima, državnim službenicima, novinarima, kao i stručnjacima iz oblasti poduzetništva i komunikacija, a prvi modul je okončan trodnevnom debatnom radionicom. Na kraju svakog radnog dana, učesnici su diskutovali o temama obrađenim u toku dana, te rješavali praktične zadatke: pisanje dopisa javnim institucijama, sastavljanje peticije i pisanje žalbi o neobjektivnom izvještavanju novinama, web portalima i televizijskim stanicama.

Prvi dan

Prvi dan je započeo predavanjem prof. dr. Lamije Tanović, predsjednice UO HIA BiH, koja je sa učesnicima razgovarala o važnosti demokratske kulture i demokratskog političkog obrazovanja, te zbog čega je važno biti aktivan u svojoj lokalnoj zajednici. Sljedeća sagovornica našim učesnicima bila je HIA Senior Fellow Lamija Landžo, koja je analizirala pojmove individualnih i grupnih identiteta. Sljedeći predavač bio je Damir Šaljić iz Britanske ambasade u BiH, koji je predstavio strukturalne ekonomske izazove u postkonfliktnoj Bosni i Hercegovini. Zaključno predavanje o trenutnim izazovima bh. političkog i ustavnog sistema održao je Doc. dr. Midhat Izmirlija sa Pravnog fakulteta u Sarajevu.

Drugi dan

Na početku drugog dana, učesnici su se upoznali sa Armelom Ramić, koja je govorila o studentskom aktivizmu u BiH i održala interaktivnu radionicu, motivirajući učesnike da pokušaju riješiti neki od konkretnih problema koje imaju na fakultetu. Sljedeća sagovornica bila je HIA Senior Fellow Marijana Markotić, koja je govorila o nevladinom sektoru i pisanju projekata sa fokusom na lokalni razvoj u BiH. Na kraju dana, Ivana Kešić iz CIVITAS BiH, održala je interaktivnu radionicu o mladima, društvenim pokretima i angažiranoj umjetnosti.

Treći dan

Prvi predavač trećeg dana bio je Darko Brkan iz UG „Zašto ne?“. Njegovo predavanje je bilo vezano za građanski neposluh i mobilizaciju mladih u svojim zajednicama. Nakon radionice o ljudskim pravima i njihovoj ulozi u funkcionisanju države koju je održala projektna koordinatorica Maida Omerćehajić, pridružio nam se Boris Čović sa eFM radija, koji je govorio o medijskom aktivizmu i društvenim mrežama. Na kraju dana, učesnici su imali priliku da razgovaraju sa gospođom Aišom Telalović iz Ministarstva za ljudska prava i izbjeglice BiH o mehanizmima zaštite ljudskih prava na državnom nivou koji su na raspolaganju građanima.

Četvrti dan

Četvrti dan je započeo predavanjem Marije Milić, novinarka i urednice iz Banje Luke, o ulozi i značaju medija u društvenom životu u BiH. Naredni predavač, Prof. dr. Enes Osmančević sa Filozofskog fakulteta Univerziteta u Tuzli, govorio je o medijima i političkim procesima u našoj zemlji. Doc. dr. Damir Kapidžić, sa Fakulteta političkih nauka u Sarajevu, sa učesnicima_ama diskutovao je o demokratskom predstavljanju u multietničkim državama. Marko Matović, HIA Senior Fellow, zaključio je dan s radionicom o vještini komunikacije sa medijima i simulacijom press konferencije.

Peti dan

Peti dan je započeo predavanjem Prof. dr. Sabine Čehajić-Clancy (SSST) o procesu pomirenja mladih u BiH, nakon čega su učesnici sa Prof. dr. Dinom Abazovićem sa Fakulteta političkih nauka u Sarajevu razgovarali o dijalogu i toleranciji. Nakon predavanja prikazan je film „Just People“ iz HIA produkcije. Posljednje predavanje dana fokusirano na ljudska prava održala je Sabina Ćudić.

Šesti dan

Prva sagovornica šestog dana programa bila je Jovana Kljajić iz Koalicije „Pod lupom“, učesnica prve generacije PDVIAGMM programa, koja je podijelila svoje iskustvo u istraživačkom novinarstvu i prepreke sa kojima se susretala kao novinarka. Naredni predavač bila je Prof. dr. Dženana Husremović sa Filozofskog fakulteta u Sarajevu, koja je razgovarala sa učesnicima na temu upravljanja karijerom. Dan je nastavljen sa panel diskusijom uz Prof. dr. Gorana Markovića sa Univerziteta u Istočnom Sarajevu i višeg ass. Damira Banovića sa Univerziteta u Sarajevu na temu ljudskih prava u ustavnopravnom sistemu BiH. Na kraju dana, prisutnima se obratio Hikmet Karčić. Govorio je o izazovima memorijalizacije u postkonfliktnoj BiH, te je učesnicima dao zadatak da kreiraju vlastitu ideju spomenika vezanih za određene ljude ili događaje, koje su na kraju predavanja i prezentovali.

Debatne radionice

Posljednja tri dana programa bila su rezervisana za debatne radionice koje su vodili Marija Simić i Mladen Šuleić. Nakon uvoda u britanski parlamentarni debatni format, argumentaciju, logičke greške i stil, učesnici su debatovali na različite teme iz oblasti ljudskih prava, te učestvovali u praktičnim vježbama usmjerenim na razvoj komunikacijskih vještina i javnog nastupa.

2.2 Drugi modul programa: individualno istraživanje

Od decembra 2016. do februara 2017. godine, učesnici_e su radili na vlastitim istraživačkim radovima, uz mentore Mahira Sijamiju (PDVIAGMM 2013/14), te HIA Senior Fellows Marijanu Markotić i Nevenu Medić. U formi kratkih policy briefs, učesnici_e istraživali su i obradili probleme koje su prepoznali u svojim lokalnim zajednicama, analizirali komparativne primjere rješenja sličnih problema iz drugih zemalja i lokalnih zajednica, i ponudili konkretna rješenja za iste.

2.3 Treći modul programa: trening iz projektnog i finansijskog menadžmenta

Od 23. do 26. marta 2017. godine, održan je trening o projektnom i finansijskom menadžmentu. Trodnevne radionice započinjale su prezentacijama policy briefs, uz diskusiju sa ostatkom grupe. Tokom tri dana treninga, Jasmin Hasić i Maida Omerćehajić su držali intenzivne radionice kroz koje su učesnici imali priliku da nauče kako napisati projektni prijedlog i planirati projektni budžet, te koji se izazovi mogu pojaviti tokom implementacije. Na kraju treninga, učesnici su se raspodijelili u četiri grupe, te u svakoj odabrali projektnog koordinatora, finansijskog menadžera, PR menadžera i osobu zaduženu za izvještavanje o projektu.

2.4 Četvrti modul programa: implementacija grupnih projekata

U periodu od aprila do juna 2017. godine, učesnici_e ovogodišnjeg programa intenzivno su radili_e na implementaciji četiri grupna projekta:

a) „Kutak slobode“ (Berina Ćatić, Amir Pečenković, Dino Majstorović i Dženeta Pitić) - web stranica sa ciljem promocije i jačanja ekonomske pismenosti, koja se sastoji od niza intervjua i video snimaka koje su članovi_ice grupe obavili_e sa nizom stručnjaka i univerzitetskih profesora, te relevantnih tekstova.

b) „Sad znam šta želim“ (Almir Saračević, Azra Beriša, Ismar Fazlić i Ema Jukić) - projekat po uzoru na koncept Career Day, koji za cilj ima predstavljanje i popularizaciju tradicionalnih zanimanja, kroz niz kratkih video intervjua sa sarajevskim zanatlijama.

c) „Bogatstvo različitosti“ (Emina Mušija, Nizama Hubljar, Mirza Srna i Lejla Bašić) - kratki dokumentarni film o toleranciji i prihvatanju različitosti unutar demokratskog društva, i osiguravanju jednakih prilika svim članovima istog.

d) „Simulacijske igre kao alat izgradnje demokratske svijesti i kulture dijaloga mladih u Bosanskoj Krajini“ (Majda Alagić, Šejla Kulenović i Tijana Nikić) - niz interaktivnih radionica održanih u osnovnim i srednjim školama na području Unsko-sanskog kantona

2.5 Peti modul programa: medijska promocija

Nakon uspješne implementacije grupnih projekata, učesnici_e su uz medijskog mentora i ranijeg predavača na programu Borisa Čovića do kraja augusta 2017. godine radili na intenzivnoj medijskoj promociji rezultata vlastitih projekata, te gostovali u više televizijskih i radio emisija, i objavili tekstove o svom radu na nizu portala.

3. MODEL INTERNATIONAL CRIMINAL COURT FOR WESTERN BALKANS – MICC WeB

25. oktobra 2016. godine u Brčkom je otvorena osma sesija MICC Western Balkans. U programu su učestvovala škole iz Gradačca, Maglaja, Odžaka, Sremske Mitrovice i Orašovice. Sesija je otvorena uvodnim predavanjem Dr. Maje Nenadović i g. Ede Salkovića, nakon čega je uslijedilo upoznavanje učesnika sa trenerima. Svi zajedno su vrijedno radili i diskutovali o ljudskim pravima, historijskim pozadinama sukoba u Njemačkoj, Jugoslaviji i Ruandi, te izazovima o kojima će pisati pravne podneske u ulozi tužiteljstva, odbrane ili sudija. Rad je zaključen ekstenzivnom grupnom raspravom o tome zašto narodi ratuju, te definicijama pojmova nacije i nacionalizma. Tokom interkulturalne večeri, učesnici su predstavili gradove iz kojih dolaze i škole koje pohađaju.

4. SARADNJA SA PRAVNIM FAKULTETOM U SARAJEVU

Završene su pripreme za implementaciju granta International Visegrad Fund, u saradnji sa Pravnim fakultetom Univerziteta u Sarajevu. Ovaj grant je namijenjen akreditovanim visokoškolskim institucijama širom svijeta za promovisanje, podršku i razvoj predmeta na univerzitetima koje se bave temama bliskim višegradskoj grupi zemalja. Projekat se implementira kroz izvođenje izbornog predmeta “Studije genocida - pravno-historijska analiza holokausta u zemljama Višegradske grupe”, u sklopu kojeg je na Pravnom fakultetu u Sarajevu gostovalo niz univerzitetskih profesora iz ovih zemalja.

5. OSTALE AKTIVNOSTI I NOVOSTI

Saradnja sa Transparency International BiH

U 2016. godini saradivali smo sa Transparency International BiH na projektu Akademija političkog osnaživanja žena. U sklopu dvodnevni predavanja i vježbi, polaznice Akademije su se mogli upoznati sa temama: Učešće žena u politici (Predavačica: Tanja Topić), Uloga integriteta i transparentnosti u politici (Predavač: Srđan Blagovčanin), Liderstvo i politika (Predavačica: Edita Miftari). TI BiH Akademija je, pored Sarajeva, bila održana u Tuzli (27. i 28. oktobra), Banjoj Luci (3. i 4. Novembra) i Mostaru (22. i 23. septembra). Osnovni cilj TI BiH Akademije je približavanje teme političkog osnaživanja žena uvidom u najnovija teorijska dostignuća i praktična iskustava, sa ciljem podizanja svijesti i unapređivanja znanja polaznica o izabranim temama, te motivisanjem društvenog angažmana i primjene stečenih znanja i razvijene analitičke sposobnosti u praksi.

Program mentorstva unutar Senior Fellows mreže

HIA BiH je i ove godine organizovala HIA Program mentorstva, kako bi olakšali proces pisanja i realizacije akcionih projekata naših novih Fellowsa. U protekloj godini smo na ovaj način uspjeli koordinirati nekoliko uspješnih projekata. Glavni ciljevi ove inicijative su pružanje podrške mlađim kolegama u vidu savjeta, kontakata, pristupa resursima Humanity in Action mreže, a u vezi s kreiranjem i implementacijom akcionih projekata, stvaranje i jačanje osjećaja pripadnosti i povezanosti unutar HIA SF mreže, te upoznavanje i uključivanje novih HIA Fellowsa u rad mreže kroz kontinuirani kontakt sa starijim kolegama.

Predavanje u organizaciji Centra za promociju civilnog društva

25. oktobra 2016. godine Daniel Lazarević je ispred Humanity in Action BiH učestvovao na predavanju koje je organizovao CPCD o finansiranju civilnog društva iz budžeta. Prezentaciju je održao g. Slaviša Prorok. Predstavljene su dvije inicijative za efikasniji mehanizam finansiranja organizacija civilnog društva iz

budžeta Federacije BiH, te za transparentan i efektivan mehanizam finansiranja organizacija civilnog društva na nivou Vijeća ministara BiH. Nakon prezentacije, otvorena je diskusija čiji je fokus bio odnos i rad NVO sa javnim institucijama.

Transparency International Forum

7. novembra 2017. godine u prostorijama Hotela Europa prisustvovali smo prezentaciji na temu “Zarobljena država: neformalni mehanizmi i odnosi među političkim i ekonomskim akterima u zemljama Jugoistočne Europe” u organizaciji Transparency International. Nakon uvodnog obraćanja izvršne direktorice Transparency Internationala, Prof. dr Slobodan Cvejić iz Beograda prezentovao je projekat koji su radili na području Srbije i Kosova, o oblicima odnosa između političkih elita i ekonomskih elita, kako taj odnos funkcionira i kako jedan drugom potpomažu u sistemu vladavine. Prezentovan je konceptualni i metodološki okvir samog istraživanja gdje su uvedeni pojmovi kao političkog kljentalizma i partijske patronaže, koji je vršen kako bi se ova dva pojma mogla kontrolisati i koji su mehanizmi da se štetni efekti eliminiraju. Sesija je završena prikazivanjem videa o kljentalizmu i partijskoj patronaži u Srbiji, te predstavljanjem studije na temu “BIH kao zarobljenik političke ekonomije i šta učiniti” i diskusijom učesnika.

TACSO

TACSO ured u BiH je organizirao konferenciju o učešću organizacija civilnog društva u procesu popunjavanja upitnika Europske komisije za BiH. Konferencija je započela uvodnim predavanjima gospođe Sonje Nite i gospodina Manuela Muneanua, koji su govorili o iskustvima iz perspektive EU, te poteškoćama kojim se susreću države tokom popunjavanja upitnika.

Posjeta SHL Akademiji za mlade

Schüler Helfen Leben Akademija je novi edukacijski program za mlade, realiziran u saradnji sa preko 100 predstavnika civilnog sektora i organizacija čiji je fokus formalno i neformalno obrazovanje, domaćih i međunarodnih stručnjaka, te mladih

aktivista. Rezultat tih priprema je jednogodišnji program koji se sastoji od 12 edukacijskih modula, te dvomjesečne prakse. Prisustvovali smo ceremoniji otvaranja Akademije na kojoj učestvuju i polaznici naših edukativnih programa, Matea Jevrić (PDVIAGMM 2013/14) i Edo Salković (MICC WeB 2014).

Joint History Project

19. januara 2017. godine prisustvovali smo predstavljanju projekta „History of the Future“ u Historijskom muzeju BiH. Joint History Project je pokrenut 1999. godine u nastojanju da promijeni način učenja historije u školama širom Balkana, a organizatori iz Center for Democracy and Reconciliation in Southeast Europe predstavili su najnovije historijske čitanke nastale kao rezultat projekta.

Sajam stipendija

15. decembra 2016. godine smo uz niz ambasada i nevladinih organizacija učestvovali na Sajmu stipendija Univerziteta u Sarajevu koji je održan na Mašinskom fakultetu, gdje smo promovisali aktivnosti naše organizacije i poziv za učešće na HIA Summer Fellowship programima.